



Broj: 16-12-16-2-5363-5/16
I. Sarajevo, 12. 09.2016. godi

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 64. stav 1. tačka b), i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), i odredbi Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj 104/14), a na preporuku Komisije I za nabavke za potrebe Državne agencije za istrage i zaštitu broj 16-12-16-2-5363/16 od 09.09.2016. godine, u postupku javne nabavke usluga smještaja za potrebe Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za javnu nabavku usluga smještaja za potrebe Jedinice za specijalnu podršku Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu broj 16-12-16-2-5363/16 od 09.09.2016. godine i ugovor za javnu nabavku usluga smještaja za potrebe Jedinice za specijalnu podršku Državne agencije za istrage i zaštitu, dodjeljuje se ponuđaču „Ministarstvo unutrašnjih poslova Republike Srpske“ Banja Luka, ponuda broj 16-12-16-2-5363-4/16 od 07.09.2016. godine, za ponuđenu cijenu od 3.600,00 KM bez PDV-a.

Član 2.

Ugovor o javnoj nabavci usluga smještaja za potrebe Jedinice za specijalnu podršku Državne agencije za istrage i zaštitu zaključit će se sa izabranim ponuđačem jednokratno za izvršenje navedene usluge.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđaču koji je učestovao u postupku nabavke.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu broj 16-12-16-2-5363-1/16 od 31.08.2016. godine pokrenut je postupak javne nabavke usluga smještaja (noćenje i ishrana)

za 12 (dvanaest) policijskih službenika za potrebe Jedinice za specijalnu podršku, Državne agencije za istrage i zaštitu (u daljem tekstu: Agencija) na području Banja Luke u trajanju od 12 (dvanaest) radnih dana tokom realizacije obuke iz oblasti antiterorističke taktike i taktike urbanih operacija, koju organizuju specijalne snage Vojske Sjedinjenih Američkih Država. Poziv za dostavljanje ponuda je objavljen na web stranici Agencije dana 05.09.2016. godine. Procjenjena vrijednost predmetne nabavke je 3.600,00 KM bez uračunatog PDV-a za što su novčana sredstva obezbjeđena u okviru budžetskih sredstava Agencije za 2016. godinu.

Komisija I za nabavke za potrebe Državne agencije za istrage i zaštitu (u daljem tekstu: Komisija I) dostavila je Izvještaj o radu broj 16-12-16-2-5363/16 od 09.09.2016. godine sa preporukom o izboru najpovoljnijeg ponuđača za javnu nabavku usluga smještaja za potrebe Jedinice za specijalnu podršku Agencije.

Na osnovu dostavljenog Izvještaja o radu Komisije I utvrđeno je da su u ostavljenom roku dostavljene dvije ponuda kako slijedi:

Redni broj.	Naziv ponuđača	Ukupna cijena (bez PDV-a)
1.	„Ministarstvo unutrašnjih poslova Republike Srpske“ Banja Luka	4.800,00 KM
2.	„Ministarstvo unutrašnjih poslova Republike Srpske“ Banja Luka	3.600,00 KM

Uvidom u sadržaj dostavljenih ponuda Komisija I je utvrdila da ponuda ponuđača „Ministarstvo unutrašnjih poslova Republike Srpske“ Banja Luka broj 16-12-16-2-5363-3/16 od 06.09.2016. godine nije prihvatljiva jer ista nije dostavljena u skladu sa uslovima iz Poziva za dostavljanje ponuda. Naime, ponuda je zaprimljena u Agenciju 06.09.2016. godine, datum ponude je 01.09.2016. godine, a Poziv za dostavljanje ponuda je objavljen na web stranici Agencije 05.09.2016. godine. U tački 1. Poziva za dostavljanje ponuda navedeno je da je predmet nabavke pružanje usluga smještaja za 12 (dvanaest) policijskih službenika Jedinice za specijalnu podršku Agencije na području Banja Luke u trajanju od 12 (dvanaest) radnih dana, a ne 16 (šesnaest) dana kako je navedeno u dostavljenoj ponudi, zbog čega ista prelazi procjenjenu vrijednost javne nabavke i iz navedenih razloga nije bila predmet daljnjeg razmatranja.

Također Komisija I je primjenjujući kriterij najniže cijene tehnički zadovoljavajuće ponude iz tačke 3. Poziva za dostavljanje ponuda, utvrdila da je ponuda ponuđača „Ministarstvo unutrašnjih poslova Republike Srpske“ Banja Luka broj 16-12-16-2-5363-4/16 od 07.09.2016. godine najpovoljnija, te da vrijednost iste ne premašuje procjenjenu vrijednost javne nabavke, zbog čega je dala preporuku da se u skladu sa članom 64. stav (1) Zakona o javnim nabavkama („Službeni glasnik BiH“, broj 39/14), a u postupku javne nabavke usluga smještaja za potrebe Jedinice za specijalnu podršku Agencije, ugovor dodijeli ponuđaču „Ministarstvo unutrašnjih poslova Republike Srpske“ Banja Luka za ponuđenu cijenu od 3.600,00 KM bez uračunatog PDV-a.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana objavljivanja dobrovoljnog ex ante obavještenja o transparentnosti. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču 1x,
- Sektoru za mat.-fin poslove,
- a/a.

